

BOSNA I HERCEGOVINA
UPRAVA ZA INDIREKTNO OPOREZIVANJE
BANJA LUKA

01/3
28.08.21
UPC

ODJELJENJE ZA KOMUNIKACIJE I MEĐUNARODNU SARADNJU

Broj: 01/3-50-4-UP/I-52-4/21

Banja Luka, 24.08.2021. godine

Na osnovu člana 14. stav 2. Zakona o slobodi pristupa informacijama u Bosni i Hercegovini („Službeni glasnik BiH“, broj: 28/00, 45/06, 102/09, 62/11 i 100/13), te člana 5. stav 1. tačka b) Pravilnika o unutrašnjoj organizaciji u Upravi za indirektno oporezivanje („Službeni glasnik BiH“, broj: 29/13) u postupku odlučivanja po zahtjevu novinara Centra za istraživačko novinarstvo Ibri Čavčića, Gabriele M. Locatelli 11, Sarajevo za pristup informacijama, Odjeljenje za komunikacije i međunarodnu saradnju, d o n o s i

RJEŠENJE

Odbija se novinaru CIN-a Ibri Čavčiću pristup informacijama o tome koliko je Tehničko Remontni Zavod d.d. Hadžići izvezao komada ručnog bacača RPG 7 MX 2 tokom 2019., 2020. i 2021. godine, u koje zemlje i koja je vrijednost izvezene robe.

Obrazloženje

Postupak za pristup informacijama pokrenut je po zahtjevu novinara CIN-a Ibri Čavčića, Gabriele Moreno Locatelli 11, Sarajevo, koji je u Upravu za indirektno oporezivanje zaprimljen dana 30.07.2021. a kojim se traže informacije izvozu ručnog bacača RPG 7 MX 2 tokom 2019., 2020. i 2021. godine od strane pravnog lica Tehničko Remontni Zavod dd, Hadžići.

S obzirom da se predmetnim zahtjevom traže podaci koji predstavljaju poslovnu tajnu poreskog obveznika, Uprava za indirektno oporezivanje tražene podatke ne može objaviti bilo kojoj trećoj strani bez posebnog odobrenja obveznika čiji podaci treba da se ustupe u skladu sa članom 52. Zakona o postupku indirektnog oporezivanja („Službeni glasnik BiH“, broj: 89/05 i 34/13).

Shodno prethodno navedenom, a na osnovu člana 7. Zakona o slobodi pristupa informacijama u BiH, Uprava za indirektno oporezivanje zatražila je saglasnost za objavu informacija od Tehničko Remontnog Zavoda Hadžići aktom broj: 01/3-50-4-UP/I-52-1/21 od 02.08.2021.

U odgovoru Tehničko Remontnog Zavoda Hadžići broj 1-1-0469 od 11.08.2021. obavješteni smo da je isti prošao sigurnosnu provjeru i dobio certifikat industrijske sigurnosne provjere stepena tajnosti „TAJNO“. U skladu s tim, tajni podaci, a to su podaci o poslovanju firme mogu biti dostavljeni samo institucijama koje su također prošle sigurnosnu provjeru i dobili certifikat stepena tajnosti „TAJNO“. Izuzetno od odredbi Zakona, pristup tajnim podacima svih stepena bez sigurnosne provjere, odnosno izdavanja dozvole za pristup tajnim podacima imaju osobe određene u skladu sa Zakonom o zaštiti tajnih podataka („Službeni glasnik BiH“ broj: 54/05 i 12/09). Nadalje, pozivajući se na član 16. stav 1. Zakona o proizvodnji i prometu naoružanja i vojne opreme u FBiH („Službene novine FBiH“ br.79/07), navodi se da su privredna društva i ustanove koja se bave proizvodnjom i prometom NVO dužna planirati, organizirati i provoditi sve neophodne zadatke i poslove sigurnosti zaštite u ovoj oblasti, a naročito izradu i provjeru planova organiziranja i provođenja mjera i postupaka osiguranja i zaštite tajnih podataka koji se odnose na kapacitete za proizvodnju, planove razvoja proizvodnje, tehničko tehnološku dokumentaciju, poslovne odnose prema inozemstvu i objekte za proizvodnju.

Članom 17. stav 1, tačka 5. navednog Zakona pod tajnim podacima proizvodnje i prometa NVO podrazumijevaju se podaci o uvozu i izvozu navodi se u obrazloženju kojim se odbija saglasnost za dostavu podataka.

Slijedom navedenih činjenica, odlučeno je kao u dispozitivu rješenja.

Pravna pouka: Protiv ovog rješenja podnosilac zahtjeva ima pravo podnošenja žalbe direktoru Uprave za indirektno oporezivanje u roku od 15 dana od dana prijema rješenja. Žalba podliježe plaćanju takse u skladu sa Zakonom o administrativnim taksama („Službeni glasnik BiH“, broj: 16/02, 19/02, 43/04, 08/06, 76/06, 76/07, 03/08, 42/08, 03/10 i 98/12). Rješenjem se upućuje podnosilac zahtjeva da ima pravo obraćanja Ombudsmenu za ljudska prava BiH, Akademika Jovana Surutke 13, 78000 Banja Luka.

Dostaviti:

1. CIN, Gabriele M. Locatelli 11, 71000 Sarajevo (uz dostavnicu)
2. Odjeljenju 01/3 2x
3. a/a



NAČELNIK ODJELJENJA
Ratko Kovacević
RATKO KOVAČEVIĆ